

# DEN AMBIENTE....

Fotos y Texto: Jan Poets

## DANKI NA CERVEZ POLAR...

### NORTH STARS STEELBAND A BAUTISA NAN PROME CD "ARUBA PAN LOVERS"..

**\*\* North Stars Steel Band**, porfin a logra realiza nan soño pa nan prome CD, "**Aruba Pan Lovers**". E acto di bautiso a tuma lugar diadomingo ultimo durante un tremendo ambiente tropical na Hadicurari, na unda un gran cantidad di invitadonan, Prensa y tambe e turistanan a disfruta insmensamente di e dushi

ritmo musical riba steelband. E joya di e CD aki ta contene piesanan folklórico, bailable y tambe piesanan inolvidable cu a ser treci den e ritmo di steelband. Piesanan cu sigur a cay na agrado di un i tur ta esnan manera: "Bao Pali Tamarijn" composicion di Rudy Plaatje y e dos piesanan clasico di Padu del Caribe,

"Arubanita y Abo So". Tambe un danza di mas cu 75 aña bieu, cual autor no ta conoci. Por a nota un alegria inmenso riba cada cara di e integrantenan di North Star Steelband na momento di e acto di bautiso. Pa hopi aña

North Stars Steelband a contribui cu Carnaval di Aruba durante e paradanan y asina a mantene e musica di steelband bibo. Danki na Cervez Polar y Mourik N.V. cu a coopera engrande cu e gastonan di e bunita CD

aki. E CD aki ta obtenible na tur e discobarnan y tambe cerca e integrantenan. Ta vale la pena pa cada hogar Arubano tin e CDaki den nan coleccion...



**\*\* Di e formaki e CD "Aruba's Pan Lovers" a ser bautisa pa su Madrina Vanessa Tromp y su Padrino Ramon Kervel di e agencia di cerveza POLAR., cual a tuma lugar den presencia di e dos motornan incansable di North Stars Steel Band, Milo Krosendijk y Freddy Tromp....**



**\*\* North Stars Steel Band ta ser forma pa: Joe Hieroms, Milo Krosendijk, Ricky Figaroa, Boei Hernandez, Ivonne Quandus, Ramiro Hernandez, Ruben Jacobs, David Tromp, Freddy Tromp, Robert Tromp, Roy Quandus, Aida Hieroms, Frederick Tromp, Rochi Tromp, Natasha Orman, George Hieroms, Tito Wanga, James Arrindell, Ossi Tromp y John Francis Jacobs como guest star...**